

Director di IMSAN Joel Rajnherc

IMSAN ta masha contento cu tin un sindicato



ORANJESTAD – Gerencia di IMSAN ta masha contento cu tin un sindicato cu ta bay representa tur e trahadonan y ta hopi orguyoso di tur e areglonan cu tin pa e trahadonan caba. Esey ta palabranan di

director di IMSAN, dr. Joel Rajnherc, kende a splica na ocasion di firmamento di un acuerdo entre IMSAN y sindicato ABV.

DRECHA LOKE TA

FOUT
Pa Rajnherc, e reunionnan pa yega na otro tabata bon pero mester bisa si cu ya caba e trahadonan tin hopi beneficio, pero lo bay sinta pa mira kico ta e puntonan di bista pa

sindicato ABV pa nan miembronan nobo.

E ta sigui splica cu otro biahnan no tabata tin hopi discusion.

IMSAN ta puntra semper pa tur cos bay manera reglanan ta specifica, cu ora tin fout den formulario, tin cu drecha e foutnan, prome cu acepta. Nan tambe tin un ordo externo cu ta controla nan si nan ta haci nan trabao corecto. Ora esey wordo coregi, no tabata tin ningun problema.

ORGUYOSO Y CONTENTO

Manera cu Rajnherc a menciona anteriormente, e ta hopi satisfecho riba e desaroyonan cu a tuma luga, pa loke ta representacion di e trahadonan na IMSAN y tambe e areglo cu cada un trahado tin. Nan condicionnan secundario di trabao ta hopi bon y ta kere cu por ta un ehempel pa otro dunado di trabao. No tin nada pa tin berguensa di dje.

NO TIN NADA DI PREOCUPA

Peticion sigur e sindicato lo bay bin na beneficio di trahado. IMSAN no ta na altura kico sindicato kier, segun Rajnherc. Nan beneficianan ta

hopi bon caba, e ta sigui splica. Esey kiermen cu ta duna e sindicato tur informacion y nan ta bay ta hopi sorprendi di kico tur e beneficianan na IMSAN ta caba. Semper IMSAN a compara nan mes cu otro dunado di trabao den salubridad publico y a destaca semper. Esey kiermen cu na no tin nada di preocupar.

UN AÑA TREMENDO

2014 ta bay ta un aña tremendo pa IMSAN. Crecemento, expansion di e servicio cu ta dunando caba y expansion di e servicicionan cu ta bay ofrece.

EXIGENCIANAN HALTO DI SERVICIO

Rajnherc no sa e nivel di eerste hulp di hospital pabao. Sinembargo el a splica cu exigencianan di IMSAN ta hopi halto.

Nan mester cumpli cu e regla di acredita di JCIA (Joint Commission International Accreditation), loke nan ta buscando hunto cu nan partner strategico (Baptist Hospital) y ta algo cu nan kier resalta den dje sigur. Pueblo pariba di brug tambe merece e cuida di mas miho posibel cu nan por duna na Aruba, el a termina bisando. □